





ԳՈՐԻՒՆ

ՎԵՐԳԻՆՊԵՏԻ

Պատմությունն զ արքայ Ի Տաճարանի
Արքայի Անպրապարհի .

——————

ԶՍԻՒՌՆԻՆ

Ի ՄԵՍՐՈՊԵԸՆ ՏՊԵՐԸՆԻ

1843

ՀԱՅԱՍՏԱՆԻ Ք. ԱԶԱՏԻԱՆ Ի ԹԻ

ԿՈՐԻԻՆ

ՍՆՏՐՈՒՆԻՆ

ՊԵՏՐՈՒԹԻՆ

ՎԵՐՈՒՅ ԵՒ ՄԱՏՈՒԼՆ

ՄԻՐՈՅՆ

ՄԵՍՐՈՒՊՈՒՆ

6766 10 14

Ի ԶԱՄԻՒՆՆԻՆ

Ի ՄԵՍՐՈՒՊՈՒՆ ՏՊԵՐԱՆԵ

1843 ՌՄԳ Բ



Պատմութիւն

Վարուց եւ մահուան սրբոյ առն երանելոյ

Մեծաշնորհ Վարդապետի մերոյ
Բարգձմեշի :

Եւրբեալ 'ի Կարիւն Վարդապետե
յաշակերտե նորն :

Օ Ե Ջ Գ Ե Ն Ե Ջ Ե Ե Ն

ազգին և հայաստան աշխարհին զաստուածապարզ և զբնէ Երբ և յորում ժամանակի մատակարարեցաւ , և որպիսի արամբ այնպիսի նորոգատուր աստուածեղէն շնորհս երևեցաւ . և վասն նորին լուսաւոր վարդապետութեան , և հրեշտակաբար կրօնիցն առաքինութեան զմտաւ ամբելով յիշատակարանս առանձին մատնանշան ծաղկեցուցանել : Եւ մինչ դեռ անդէն 'ի խորհրդանոցի մտացն , վասն յուշ արկանելոյ միայնագործ հոգացայ . եկեալ հասանէր առ իս հրաման առն միոյ պատուականի Յովսէփ կոչեցելոյ աշակեր-

քի առն այնորիկ. եւ ընդ նմից այլոց եւս,
 Բազալերութիւնն աշակերպակցաց մերոյն,
 վարդապետութեան: Ուստի եւ իմ Դաս-
 նաւոր աշակերպութեամբ վեճակ առեալ
 Թէպէտ եւ ի կրպտերագոյնն եւ առաւել քան
 Վար մեր. Գրաւեալ անաչառ հրամանին
 հասելոյ, փութմանակի եւ առանց յապա-
 ղելոյ զառաջի եղեալն մատենագրել: Օրոս
 եւ մեր համօրէն աղաչեալ երկախառնել ընդ
 մեզ աղօթիք յանձնարարութեամբ աս-
 տուածեղէն շնորհացն, զի կամակարագոյնս
 և ուղղագոյնս նաւիցեմք զհամատարած
 աբօքն վարդապետական ծովուն:

Այս արդ առեալ նախարանեսցուք, ե-
 թէ իցէ համարձակութիւն զրով նշանա-
 կել զվարս արանցն կատարելոց. ոչ ՚ի
 մէնջ արուեստախօսեալ մերոյն կարծեօք
 վիճարանելով, այլ յօրինակացն սուելոց
 զընդդիմակացն բարձրացուցանել: Քանզի
 Լստուծոյ բարերարին այսպէս բարեխոր-
 հեալ զիւրոց սիրելեաց, ոչ միայն ըստ
 առաքինութեան վարուց՝ զքնաղ և զբարձ-
 րագոյն հատուցումն բաւական համարել
 յանսպառ յաւիտեանսն, այլ և ստե՛ն
 լսկ կանխագոյն. զի անցաւոր ժամանա-
 կօքս մատենապատում երկնաբերձ սպայծա-
 րացուցեալ զՏոգեղինացն և զմարմնակա-
 նացն, առ հասարակ փայլիցեն:

Այլ 'ի մուխիսական պատմութեան յայտ-
 նի է երանելեաց արանցն ազնուականու-
 թիւն , ճշմարտութեան հաւատոցն հաս-
 տատութիւն , աստուածամերձ աստուածա-
 մուխ կենացն վայելչութիւն , սքանչելական
 կենացն պայծառութիւն : Օյ ոմն ընդու-
 նելի պատարագաւ արդար կոչեցեալ : Այլ
 այլ ոմն հաճոյական արուեստին 'ի վերայ
 ամենակուլ մահուանն կենօք երևեալ : Այլ
 միւս ոմն բովանդակ արգարութեամբ 'ի
 վերայ համատարած լեոնացելոյ աստուա-
 ծապատիժ ծովուն , հանդերձ ամենայն
 շնչականօք տարևոր ժամանակօք նաւակաց
 պահեալ : Այլ միւսոյն յանկարծագիւտ
 հաւատովք արդարացեալ , աստուածամերձ
 աստուածախօս դաշնաւոր կատարեալ , և
 զաւետիս հանդերձելոց բարեացն ժառան-
 գեալ : Բազմօք և այլ նոյնպիսիք աստուա-
 ծածանօթ գտեալք . որոց ազնուականու-
 թիւնքն յամենայն աստուածածանօթ զրոց
 պատմի : Հանդոյն ասացելոյս երանելոյն
 Պաւղոսի առ երրայեցիսն կարգեալ զա-
 նուանս՝ զովէ վնոցին ճշմարտութիւն հա-
 վատոցն . որով զվարձահատոյց մտիթա-
 րութիւն ընկալան յամենապարկեռէն Աս-
 տուծոյ , ըստ իւրաքանչիւր յառաջագի-
 մութեանցն : Այա և զժանդագործին Բա-

հարու զհիւրընկալութիւն լրտեսացն համեմատէ :

Իսկ իբրև հայեցեալ 'ի բազմախուռն դումարութիւն , արդարև զսակաւուցն զանուանս յայտ առնէ . և զայլովք ևս զանց առնէ , անբաւական զժամանակն առ 'ի կարգի պատմելոյ : 'Ի կիր արկանէ այնուհետև նշանակել միանգամայն զփորձութիւնս 'ի վերայ յարձակեալս . և նոցա զանընդդիմակաց զնահատակութիւնսն , զորս և պատուականս քան զաշխարհս առ վաճառ համարի : Սոյն օրինակ և ամենայն զիրք հոգեպատուիք նշանակեալ ունին զբաշութիւնս ամենայն զօրաց . զոմանց ըստ աստուածեղէն կրօնիցն զբարեյաղթութիւն , և զոմանց ըստ աշխարհագիր կարգաց զմարտից և զպատերազմողաց արութիւնսն . որպէս զՆերրոտայն և զՍամփսոնին և զՂաւթայն : Եւ զոմանց զբնական զիմաստութիւն զովեալ աստուածեղէն իմաստութեամբն հանդերձ . որպէս զՅովսեփայն յԱզգիպտոս , և զՂանիէլին 'ի Բաբելոն : Յորոց և հզօր թագաւորացն իրատիցք էին , զաշխարհակալ կենցաղոյս զհանգամանսն ցուցանէին , հանդերձ ամենիշխանին Մատուծոյ ծանօթս առնելով : Օրոց և մարգարէին իսկ զովեալ զի-

մաստութիւնսն , ասէր ցոմն այսպէս :
 “Միթէ իմաստնագոյն իցես քան զՎանի-
 էլ . կամ իմաստո՞ւնք խրատութ խրատեցին
 զքեզ հանձարով իւրեանց” : Աւ ոչ այս-
 չափ միայն . այլ և հոգեկան ազգին հը-
 րեշտակութեամբ՝ գովեալ զսրբոյն զօրու-
 թիւն , որ զՎանիէլ ցանկալի քարոզե-
 լովն կոչէին . և զսուրբ տիրամայրն ՚ի
 Վալիլեայ՝ օրհնեալ ՚ի կանայս :

Իսոյց զինչ ասիցեմք զզուգանացն զառ
 ՚ի միմեանց պատուեալ զգովութիւնս . զո-
 րոց և Տէրն իսկ ամենայնի՝ բերանալիր
 գոչէր զազնուականութիւնսն . ոչ միայն
 զյանդիմանական գործոյն , այլ և զծա-
 ծուկ սրտիցն լուսաւորութիւնսն , առաջի
 հրեշտակաց և մարդկան բերէ : Արպէս
 զհիւրամեծարին Աբրահամու , հրեշտա-
 կօքն հասելովք զծառայական հաւասարու-
 թիւնն յայտ արարեալ . պատմելով նմա-
 յետ աւետեացն ընկալելոց , զինչ ՚ի Սո-
 դոմն էր գործելոց : Աոյնպէս և զբաջի
 նահատակին Յորայ յառաջ քան զպատե-
 րազմել առաջի պատերազմականին՝ յօրինէ
 զգովութիւն ասելով . “Այր ճշմարիտ ար-
 դար և աստուածապաշտ , և որոշեալ յա-
 մենայն գործոց չարաց” : Իսկ մեծին Սով-
 ակսի զառաւելագոյն զաստուածամուխ մեր-

ձաւորութիւն ամենայն եկեղեցական զրով
հնչեցուցեալ , զորոյ և զաղայութեան
զկայտառութիւնն յայտ արարեալ աստուա-
ծեղէն օրինացն , նա և զայլազգոյն զՅո-
թորի ևս զխրատն՝ շանցուցեալ անգիր :

Եւ այնպէս միահամուռ ամենայն աս-
տուածակրօն արուեստականացն բարեգոր-
ծութիւնք՝ փայլեն յաստուածագիր օրի-
նացն , զորոց չէ որ բաւական յիշատակել
զերանելի անուանց գումարութիւն : Եւ
ոչ միայն զյառաջագունիցն , այլ և զկնի
եղելոցն զմիածնի որդւոյն Մատթեոյ փրօկ-
չին ամենեցուն , ՚ի լուսարեղ աւետարա-
նին իւրում ծաղկեցուցանէր զազնուակա-
նութիւնս , մանաւանդ երանութեամբ իսկ
պսակէր . ոչ միայն սեպհականացն զեր-
կոտասանիցն , և կամ զյառաջամուտ ըզ-
Արապետին , այլ զայլոց մատուցելոցն՝
գովէ և զհաւատոցն ճշմարտութիւն . Բան-
գի զՎաթանայէլ առանց նենգութեան նը-
շանակէ . և զթագաւորագին զմեծութիւն
հաւատոցն՝ անգիւտ յարայելի ասէ :
Ինչոյ ոչ միայն զմեծամեծսն , այլ ասու-
ւել ևս զթեթեագոյնսն բարձրագոյնս՝ ա-
նարգամեծարն Քրիստոս . որ սակաւիկ
ինչ զծախ իւղոյն յարդէ , և զծախելեացն
յիշատակարան պատմեն ամենայն ուրեք՝

առ ՚ի ներքոյ երկնից : Աւ զկնոջէն քա-
 նանացւոյ մեծ զհաւատոցն ասէ . նաև
 զդանկաց երկուց ընծայելոցն՝ գովէ զա-
 րեացն զյօծարութիւն առաւել քան զմե-
 ծացն : Իսկ Պաւղոս ՚ի մօտ եղեալ էր
 շրջեցուցանել զքրիստոսադիր կարգացն
 սլայծաութիւնն , անօթ ընտրութեան ա-
 նուանեալ . անուանակիր յաշխարհի իւրոյ
 սքանչելի անուանն առնէ :

Վասն որոյ երանելոյն հայեցեալ ՚ի
 շնորհացն բարձրութիւնն առ իւրոյ մեծ
 օրինացն , և առ ամենայն սրբոցն . բարձ-
 րագոյն բարբառով ՚ի փառաբութիւն զառ-
 նայ . եթէ “Շնորհք Աստուծոյ , որ յա-
 մենայնի հոչակ հարկանէ զմէնջ ՚ի Քրիս-
 տոս . և զհոտ գիտութեան իւրոյ յայանի
 առնէ մեօք յամենայն տեղիս” : ՚ի վերայ
 այնորիկ ապա և զհամարձակագոյնն բերէ ,
 թէ ո՞ կարէ բիծ գնել ընտրելոց Աստու-
 ծոյ : Եւ զայս օձան ընկալեալ ՚ի Տեառ-
 նէ երանելի առաքելոցն , զամենայն գոր-
 ծակցաց իւրեանց գրով նշանակել զքա-
 ջութիւնս . տեսանել զոմանց ՚ի սուրբ ա-
 ւետարանին և զոմանց ՚ի գործս առաքե-
 լոցն երանելոյն Վուկասու մատենագրեալ .
 և իցեն որ ՚ի կաթուղիկէս առաքելոցն ա-
 ռաւելագոյնս ճանաչին :

Եւ սրբոյն Պաւղոսի չորեքտասանե-
քումբք թղթովք պատմէ զիւր առաքելա-
կիցս , և նիզակակիցս և ուրախակիցս իւր
առնէ , և ՚ի վախճանի թղթոցն , ըստ իւ-
րաքանչիւր ումբ յողջոյն կասարեալ՝ յա-
նուանէ հարցսնէ . և զուրումն յաւետա-
րանէ անտի նշանակէ զգովութիւնսն :
Բայց ոչ միայն զերանելոյն զօգնականու-
թիւնսն յարդէ . այլ և զքրիստոսամեծար
աստնջականիցն իւրոց՝ բազում գովութիւնս
փոխանակ մեծարանացն կարդէ , վասն ո-
րոց և յազաչանս առ Աստուած մատու-
ցեալ՝ զփոխարէն բարեացն հատուցանել
հայցէ : Եւս ամենայն եկեղեցեօք հնչե-
ցուցանէ զընտրելոցն զազնուականութիւն .
ոչ միայն զարանցն այլև զկանանցն աշա-
կերտելոց , որ զճշմարտութիւնն աւետա-
րանեն :

Եւ զայս ամենայն աւետարանեալ ոչ ՚ի
պարծանս գովութեան , այլ զի օրինակ և
կանոն զկնի եկելոցն պաշտիցի : Արպէս
՚ի նոյն իսկ զի բարեաց գործոց նախան-
ձաւորս լինել ամենեցուն՝ ստիպէ ասելովն ,
թէ “Օ հետ երթայք սիրոյ . և նախան-
ձաւոր լինել ամենեցուն հոգեորացն” : Ա-
րոց զյօժարութիւն աքայեցւոց վասն պաշ-
տաման սրբոյն ՚ի Մակեդոնիա պատմեալ՝

նախանձեցուցեալ յորդորեաց : Այլև հա-
մարձակութիւն իսկ տայ անխափան 'ի բա-
րեացն առաքինութիւն . թէ "Եւ է յա-
մենայն ժամ նախանձել 'ի բարիս" : Այլ
և նմանող իւր և Տեառն ստիպէ լինել :

Գարձեալ փութայ ամենբումբը հան-
դերձ ըստ Քրիստոսի հետոյն վարել ,
"Հայեցարնք , ասէ , 'ի զօրագլուխն հա-
ւատոց . և 'ի կատարիչն Քրիստոս" : Այլ
գարձեալ , թէ "Յիշեցէք զառաջնորդս
ձեր , որք խօսեցան զբանն Աստուծոյ .
հայեցեալ յիւս գնացից նոցա , նմանողք
եղբուք հաւատոցն" : Այլ միանգամայն ,
եթէ "Օայս խորհեցի իւրաքանչիւրք 'ի
ձէն՛ջ որ և 'ի Քրիստոս Յիսուս" : Հան-
գայն սմին և Ղուկաս յսկիզբն առաքելա-
գործ մատենին գնէ : Իսկ ցանկալի Տեառն
եղբայրն Յակոբոս , զհամօրէն իսկ զգունդն
սրբոց հանգերձ սրբասէր տերամբն յօրի-
նակ առեալ 'ի թղթին իւրում ասէ , ե-
թէ "Օրինակ առէք շարշարանաց և յեր-
կայնմութեան զմարգարէսն , որ խօսե-
ցան յանուն Տեառն . զհամբերութիւն
Յորայ լուարուք , և զկատարումն Տեառն
տեսէք" :

Յայտնի է այսուհետև ասացելովքս ,
եթէ գովութիւն ամենայն աստուածասէր

ընտրելոցն 'ի Տեառնէ է . որ 'ի հրեշտակաց , որ առ 'ի միմեանց , ոչ 'ի պարծանս անձանց՝ այլ առ 'ի նախանձուկս միմեանց արկանելոյ զմիմեամբք , քաջալերեալք հասանիցեմք 'ի բարեացն կատարումն՝ 'ի նշանակեալ նստատակն երանելոյն Պաւղոսի , եթէ “Միարան հասանել 'ի շափ հասակին Քրիստոսի” : Որոյ ազատութիւնն 'ի յերկինս է , ակն ունել փրկչին մեծին Աստուծոյ : Ունիմք և զկանոնական յաջորդեալ յառաքելոցն անտի զչնորհաստում գրեալսն , եթէ որպէս մեծարեալք 'ի միմեանց , գովեալք ըստ ճշմարիտ հաւատոյն և ըստ աւետարանագործ կրօնից . մինչև ցայսօր ժամանակի նովին սովորութեամբ վարին :

Եւ արդ առեալ յերկոցունց համարձակութիւն 'ի կիր արկանել և զվարս առն արդարոյ , արդ այսուհետև և խոստացեալն առաջի դիցի . և հայրենակատար մեծարեալ պայմանաւ , որ առ 'ի մէնջ հաճեցի , և նոցա քաղցրատուր հրաման հատուցեալ զարդարեցի :

ԱՌՏՆ, զոր 'ի նախակարգ բանին նշանակեմք , վասն որոյ և փոյթ արարեալ մեր պատմելոյ , էր Մաշթոց անուն 'ի

տարծնական գաւառէն , 'ի Հացեկաց գեղ-
 ջէ , որդի առն երանելոյ Վարդան կո-
 չեցելոյ : 'Ի մանկութեան տիսն փարձեալ
 հելենական դպրութեամբն , եկեալ հա-
 սեալ 'ի գաւառն արշակունեաց թագաւո-
 րաց Հայոց մեծաց , կացեալ յարքունա-
 կան դիւանին , լինել սպասաւոր արքայա-
 տուր հրամանին առ հազարապետութեամբն
 աշխարհիս Հայոց Առաւանայ ուրումն :
 Տեղեկացեալ և հմուտ եղեալ աշխարհա-
 կաց կարգաց , ցանկալի եղեալ զինուորա-
 կան արուեստին իւրոց զօրականացն , և
 անդէն ուշ եդեալ փութով ընթերցուա-
 ծոց աստուածեղէն գրոց , որով առ ժա-
 մայն լուսաւորեալ և թեամուխ միջամուխ
 յաստուածատուր հրամանացն հանգա-
 մանս , և ամենայն պատրաստութեամբ
 զանձն զարգարեալ , հարկանէր զիշխա-
 նացն սպասաւորութիւնսն :

Աւ յետ այնորիկ ըստ աւետարանական
 չափուցն՝ 'ի ծառայութիւն Աստուծոյ մար-
 դասիրին դարձեալ , մերկանայր այնուհե-
 տե զիշխանակիր ցանկութիւնսն . և ա-
 ռեալ զխաչն պարձանաց , ելանէր զկնի
 ամենակեցոյց խաչելոյն : Աւ հաճեալ հը-
 րամանացն 'ի խաչակիր գունդն Վրիստոսի
 խառնէր , և անդէն վաղվաղակի 'ի միայ-

նակեցական կարգ մտանէր , բազում և ազգի ազգի վշտակեցութիւն ըստ աւետարանին կրէր ամենայն իրաց : Ամենայն կրթութեամբ հոգեորացն զանձն տուեալ միաւորութեամբ , լեռնակեցութեան , քաղցի և ծարաւոյ և բանջարածաշակութեանց , արգելանաց անլուսից , խարազնազգեստ և զեսնատարած անկողնոց : Այլ բազում անգամ զՏեշտական հանգիստ դիշերոյն և զհարկ քնոյ յոտնաւոր տքնութեանն 'ի թօթափել ական վճարէր : Այլ զայս ամենայն առնէր ոչ սակաւ ժամանակս , և գտեալ ևս զումանս յինքն յարեցուցանէր աշակերտեալ նմին սովորական աւետարանութեան , և այնպէս ամենայն փորձութեանց 'ի վերայ հասելոց՝ կամայական քաջութեամբ տարեալ և սլայծառացեալ , ծանօթական և հաճոյ լինէր Աստուծոյ և մարդկան :

Առեալ այնուհետեւ երանելոյն զհաւատացեալս իւր , զիմեալ իջանէր յանկարգ և յանդարման տեղիս Գողթան : Այլ և ընդ առաջ ելանէր նմա իշխանն Գողթան , այր երկիրդած և աստուածասէր , ըստ աշակերտաց հաւատոցն Քրիստոսի : Իսկ երանելոյն վաղվաղակի զաւետարանական արուեստն 'ի մէջ առեալ , ձեռն արկանէր

զգաւառովն հանդերձ միամիտ սատարութեամբ իշխանին , գերեալ զամենեսեան 'ի հայրենեաց աւանդելոց , և 'ի սատանայական դիւսպաշտ սպասաւորութենէն' 'ի հընազանդութիւն Քրիստոսի մատուցանէր :

Աւ յորժամ 'ի նոսա զրանն կենաց սերմանեալ , յայտնի իսկ բնակչաց զաւառին' նշանք մեծամեծք երեւէին , կերպակերպ նմանութեամբ զիւրացն փախտական լինելով , անկանէին 'ի կողմանս Մարաց : "Աոյնպէս առաւել հոգ 'ի մտի արկանէր' զհամաշխարհականս սիրփելով . և առաւել յաղօթս մշանջնամոնունչս , և բազկատարած պաղատանս առ Աստուած , և արտասուս անդադարս . զմտաւ ամելով զառաքելականն և ասէր հոգալով : "Տրամութիւն է ինձ և անպակաս ցաւք սրտի իմոյ , վասն եղբարց իմոց և ազգականաց" :

Աւ այնպէս արտմական հոգովք պաշարեալ և թակարթապատեալ և անկեալ 'ի ծուփս խորհրդոց , եթէ սրպիտի արդեօք ելս իրացն գտանիցէ : Աւ իբրև աւուրս բազումս անդէն 'ի նմին դեգերէր , յարուցեալ այնուհետև հասանէր առ սուրբ կաթողիկոսն Հայոց մեծաց , որոյ անունն ճանաչէր Սահակ , զոր պատրաստական գտանէր նմին փութոյ հաւանեալ : Աւ

միանդամայն յօժարութեամբ գումարեալ
 Հանդերձ աղօթիւք մեծուք առ Աստուած
 կանխէին , վասն ամենայն ողւոյք քրիստո-
 սաբեր փրկութեանն Հասանելոյ . և զայն
 առնէին աւուրս բազումս : Ապա ելանէր
 նոցա պարզեական յամենաբարին Աստու-
 ծոյ , ժողովել զաշխարհահոգ խորհուրդն
 երանելի միաբանելոցն , և զիրս նշանա-
 ւորոյ Հայաստան ազգին , Հասանել բա-
 ւում հարց փորձի . և քննութեան զան-
 ձինս պարապեցուցեալ , և բազում աշ-
 խատութեանց համբերեալ , ազգ առնէին
 ապա և զկանխապոյն խնդրելին իւրեանց
 թաղաւորին Հայոց , որոյ անուն կոչէր
 Վրահապուհ :

Յայնժամ պատմէր նոցա արքայն , վասն
 առն ուրումն ասորւոյ եպիսկոպոսի ազնու-
 ականի Վանիէլ անուն կոչեցելոյ , որոյ
 յանկարծ ուրեմն նշանազիրս աղփաբետաց
 հայերէն լեզուի : Աւ իրրե պատմեցաւ
 նոցա յարքայէ վասն զրելոյն ՚ի Վանիէ-
 լէ , յօժարեցին զարքայ՝ փոյթ առնել վասն
 պիտոյիցն այնոցիկ : Աւ նա առաքէր զմն
 Վահրիճ անուն հրովարտաւօք առ այր մի
 երէց , որոյ անուն Հարէլ կոչէին . որ
 էր մերձաւոր Վանիէլի ասորւոյ եպիսկո-
 պոսի :

67669 և



Իսկ Հաբեչին զայն լուեալ , փութա-
 նակի հասանէր առ Գանիէն , և նախ
 ինքն տեղեկանայր 'ի Գանիէէ նշանա-
 գրոյն , և ապա առեալ 'ի նմանէ առաքէր
 առ արքայն յերկիրն Հայոց . 'ի հինգե-
 րորդի ամի թագաւորութեան նորա 'ի նա
 հասուցանէր : Իսկ արքային հանդերձ մի-
 արան սրբովն Սահակաւ և Սաշթոցիւ՝
 ընկալեալ զնշանագիրսն 'ի Հաբեչէն , ու-
 բախ լինէին : Ապա առեալ երանելի հո-
 գաբարձուացն զյանկարծազիւտն , խընդ-
 րէին հայցէին ևս յարքայէ մանկունս մա-
 տազս , որով զնշանագիրսն մարթեցցեն :
 Եւ յորժամ բազումք 'ի նոցանէ տեղե-
 կանային . ապա հրաման տայր ամենայն
 ուրեք նովին կրթել . որով և յաստիճան
 իսկ վարդապետութեան գեղեցիկ երանելին
 հասանէր . և իբրև ամն երկու կարգեալ
 զվարդապետութիւն իւր . և նովին նշա-
 նագրովք տանէր :

Իսկ իբրև 'ի վերայ հասեալ թէ չեն
 բաւական նշանագիրքն՝ ողջ ածել զսիւղո-
 բայս և զկապս հայերէն լեզւոյն , մանա-
 ւանդ զի և նշանագիրքն իսկ յայլոց զըպ-
 րութեանց թաղեալք և յարուցեալք դիպե-
 ցան :

Յետ այնորիկ դարձեալ կրկին անդամ

ի նոյն հոգս դառնային , և նմին ելս խնդրէ-
ին ժամանակս ինչ : Վասն որոյ առեալ
երանելոյն Մաշթոցի դաս մի մանկաւոյ
հրամանաւ արքայի , և միաբանութիւն սրբ-
ոցն Սահակայ , և հրաժարեալք ՚ի մի-
մեանց համբուրիւ սրբութեանն՝ խաղայր
զնայր ՚ի հինգերորդ ամի Վոամշապհոյ
արքային Հայոց , և երթեալ հասանէր ՚ի
կողմանս Արամի՝ ՚ի քաղաքս երկուց Ասո-
րոց , որոց առաջինն Ազեսիա կոչի , և
երկրորդն Ամիգ անուն : Բնդդէմ լինէր
սուրբ եպիսկոպոսացն , որոց առաջնոյն
Բարիլաս անուն և երկրորդին Ակակիոս ,
հանդերձ կղերականօքն և իշխանօքն քա-
ղաքին պատահեալ , և բազում մեծարանա-
ցուցեալ հասելոցն , ընդունէին հոգաբար-
ձութեամբ , ըստ Բրիստոսի անուանելոցն
կարգի :

Իսկ աշակերտասէրն վարդապետին՝ զտա-
րեալսն ընդ իւր յերկուս բաժանեալ , զո-
մանս յասորի դպրութեանն կարգէր , և
զոմանս յունական դպրութիւնն : Անտի
՚ի սամուսատական քաղաքն գումարէր , և
նորա իւրովք հաւասարօք զսովորականն ա-
ռաջի եղեալ զաղօթս և զաքնութիւնս և
զպաղատանս արտասուալից , զխստամբե-
րութիւնս , զհոգս զաշխարհահեծս , յի-

շելով զասացեալսն մարգարէին , եթէ
 “Յորժամ հեծեծեսցես , յայնժամ կեց-
 ցես” :

Աւ այնպէս բազում աշխատութեանց
 համբերեալ վասն իւրոյ ազգին բարեաց
 ինչ օճան դտանելոյ : Որում պարզեւէր
 իսկ վիճակ յամենաշնորհողէն Աստուծոյ .
 հայրական չափուն ծնեալ ծնունդս նորոգ
 և սքանչելի սուրբ աջովն իւրով , նշանա-
 դիրս հայերէն լեզուին : Աւ անդ վաղվա-
 ղակի նշանակեալ անուանեալ և կարգեալ ,
 յօրինէր սիղոբայիւք և կասօք : Աւ ապա
 հրաժարեալ յեպիսկոպոսացն սրբոց , հան-
 դերձ օգնականօք իւրովք իջանէր 'ի քա-
 ղաքն սամոստացւոց , յորում մեծասպատիւ
 իսկ յեպիսկոպոսէն և յեկեղեցւոյն մեծա-
 րեալ լինէր : Աւ անդէն 'ի նմին քաղաքի
 զրիչ ոմն հելլենական դպրուն Հոովանոս
 անուն դտեալ • որով զամենայն ընտրու-
 թիւնս նշանադրոյն զնրբագոյնսն զկարճն
 և զերկայնն , զառանձինն և զկրկնաւորն ,
 միանգամայն յօրինեալ և յանկուցեալ ,
 'ի թարգմանութիւն գառնային հանդերձ
 արամբք երկուք , աշակերտօքն իւրովք .
 որոց առաջնոյն Յովհան անուն կոչէին ,
 Աշկեղեաց գաւառէն , և երկրորդին Յով-
 սէփ անուն 'ի պաղանական տանէն : Աւ

եղեալ սկիզբն նախ յառակացն Սողոմոնի , որ 'ի սկզբանն իսկ ծանօթս իմաստութեանն ընծայեցուցանէ լինել , ասելով՝ եթէ “Ճանաչել զիմաստութիւն և զխրատ , իմանալ զգանս հանձարոյ” : Ար և գրեցաւ ձեռամբն այնորիկ գրչի . հանդերձ ուսուցանելով մանկունս գրիչս նմին դպրութեան :

Ապա յետ այնորիկ առնոյր թուղթս յեպիսկոպոսէ քաղաքին . և հրաժարեալ 'ի նոցանէ հանդերձ ամենայն իւրովքն , բերէր առ եպիսկոպոսն Ասորոց : Ար յորոց նախընկալն եղև , առաջի արկեալ նոցա զնշանադիրն աստուածատուր . վասն որոց բազում իսկ գովութիւնք յեպիսկոպոսաց սրբոց և յամենայն եկեղեցեաց բարձրանային 'ի փառս Աստուծոյ , և 'ի մխիթարութիւն աշակերտելոցն ոչ սակաւք : Յորոց թուղթս աւետադիրս հանդերձ շնորհատուր պարզեօքն , և ամենայն իւրայիւքն , 'ի շնորհացն Աստուծոյ ճանապարհորդ լինէր . զօթեանօք անցեալ աջողութեամբ և հոգելից ուրախութեամբ եկեալ հասանէր 'ի հայաստան աշխարհն , 'ի կողմանս այրարատեան դաւառին , առ սահմանօք Աոր քաղաքին , 'ի վեցերորդ ամի Վռամշապհոյ արքային Հայոց մեծաց :

Եւ ոչ այնպէս մեծն Մովսէս զուար-
 ճանայր յէջս սինէական լերինն . չասեմք
 թէ առաւելօքն՝ պակասագոյն . Քանզի
 Ղստուածոյ առեալ և աստուածազիր հը-
 րաման՝ ՚ի բազուկս այրն աստուածատես ,
 ՚ի լեռնէն իջանէր . այլ վասն վրէժազործ
 ժողովրդեանն , որոց թիկունք ՚ի տէրու-
 նիսն , և կործան յերկիր , տիրադրուժք
 յիւրեանց կուոս ձուլածուին երկիրպազա-
 նէին , և զնորին հրամանաբերն սրտառուչ
 սրտաբեկ լացուցին . քանզի ՚ի տախտա-
 կացն խորտակելոց յայսնի եղեալ տեսա-
 նէր բերելոյն թախծութիւնն : Իսկ այսր
 երանելոյ՝ վասն որոյ ճառեալքս յարդա-
 րին , ոչ ըստ այնմ օրինակի որ անգն
 դործեցան , այլ ինքն իւրով լցեալ հո-
 գևոր մխիթարութեամբ՝ կարծեալ զընդու-
 նելոցն յօժարութիւնն , և ընդունելոցն
 յուսով ուրախութեան՝ դասաւորութիւն
 ճանապարհացն աւետաբեր :

Բայց մի որ յանդգնագոյն վասն ասացե-
 լոցն զմեզ համարեսցի . թէ զիւրգ զայր մի
 խոնարհագոյն ընդ մեծին Մովսէսի , ընդ
 աստուածախօսին , սքանչելագործին նմա-
 նեցուցեալ հաւասարեաց . որով թերևս
 սողտանիցեմք : Եւ կարեմք այլ աւելի
 հաւատովք . քանզի և շկայ ինչ ՚ի վերայ

յայտնեօք և ծածկանօք զաստուածականն խոտել : Քանզի միոյն Մատուծոյ ամենազօրի շնորհք առ ամենայն ազգս երկրածնաց մատակարարին :

Աւարդ եկեալ յիշելին մերձ ՚ի թագաւորական քաղաքն , ազդ լինէր թագաւորին և սրբոյ եպիսկոպոսին : Արոց առեալ զամենայն նախարարագունդ աւաղանոյն ամբօխ , ՚ի քաղաքէն ելեալ՝ սատահէին երանելոյն զափամբ Ասհ գետոյն : Աւզցանկալի սղջոյնն միմեանց տուեալ , ուստի և բարբառօք զնծութեան և երգօք հողեւորօք , և բարձրագոյն օրհնութեամբք ՚ի քաղաքն դառնային . և զաւուրս տօնական ուրախութեամբ անցուցանէին :

Յայնժամ վաղվաղակի հրաման առեալ ՚ի թագաւորէն սկիզբն առնելոյ զխուժագուժ կողմանսն Վարաց , որք ոչ միայն վասն դիւական սատանայակիր բարուցն ճիւլաղութեան , այլ և վասն խեցբեկագոյն և խոշորագոյն լեզուին՝ դժուարամտոյցք էին : Առ ՚ի յարգարել և զնոցա հարուստ ամացն ծնունդս՝ առեալ սպարզախօսս հետորաբանս , կրթեալս աստուածատուր իմաստութեանն ծնունդս կացուցանէին : Աւայնպէս միջամուխ եղեալ հանդամանօք օ-

րինասյուտդամացն , մինչև ընաւ արտարոյ
 իւրեանց ընականութեանն գերծանել : Այլ
 'ի ձեռն առեալ այնուհետև աստուածա-
 գործ մշակութեամբ զաւետարանական ա-
 բուստն՝ 'ի թարգմանել 'ի զրեւ և յու-
 սուցանել , մանաւանդ հայեցիալ 'ի տեսո-
 նաբարբառ հրամանացն բարձրութիւնն ,
 որ առ երանելին Մովսէս եկեալ , վասն
 ամենայն իրացն եղելոց , յաստուածեղէն
 պատգամացն բարձրութիւն աւանդելոցն՝
 մատենադրել առ 'ի պահեստ յաւիտեանցն
 որ գալոցն էին . նոյնպիսիք և այլոց մար-
 գարէիցն հրամայեալք : “Առ , ասէ , քար-
 տէզ նոր մեծ , և գրեալ 'ի նմա զըշա-
 դարի” : Այլ այլուր , թէ “Գրեալ զտեսիլք
 'ի տախտակի , և 'ի գիրս հաստատեալ” :
 Իսկ Դաւիթ յայտնապէս ևս վասն ամե-
 նայն ազգաց՝ զվիճակ աստուածատուր օ-
 րինացն նշանակէ ասելովն , թէ “Գրեսցի
 յազգ յայլ” : Այլ թէ “Տեր պատմեսցէ
 զրոյք ժողովրդոց” : Չոր եկեալ կատա-
 րեաց ամենափրկիչն Քրիստոս շնորհատուր
 հրամանաւն , եթէ “Այլք ընդ ամենայն
 ազգս” : Այլ եթէ “Քարոզեսցի աւետա-
 րանս ընդ ամենայն տիեզերս” : Աւստի և
 երանելի հարցն մերոց համարձակութիւն
 առեալ յուսալից փութով , և երևելի և

արդիւնակատար ըստ աւետարանին՝ զիւրեանց մշակութիւնն ցուցանեն :

Յայնմ ժամանակի երանելի և ցանկալի աշխարհս Հայոց անսրտյման սքանչելի լինէր . յորում անկարծ ուրեմն օրէնսուսոյց Մովսէս՝ մարդարէական դասուն , և յառաջագէմն Պաւղոս՝ բովանդակ առաքելական զնդովն , հանդերձ աշխարհակեցոյց աւետարանաւն Քրիստոսի , միանգամայն եկեալ հասեալ ՚ի ձեռն երկուց հաւատարելոցն՝ հայաբարբառք հայրենախօսք զըտան :

Անդ էր այնուհետև սրտալիր ուրախութիւն և ակնավայել տեսիլ հայելոյն : Քանզի երկիր , որ համբաւուցն անգամ օտար էր կողմանցն այնոցիկ , յորում ամենայն աստուածազործ սքանչելագործութիւնքն դործեցան , առժամայն վաղվաղակի ամենայն իրացն եղելոց խելամուտ լինէր : Այլ միայն ժամանակաւ պաշտեցելոցն , այլ և յառաջագոյն յաւիտենիցն , և ապա եկելոցն սկզբանն և կատարածի , և ամենայն աստուածատուր աւանդութեանցն : Իսկ իբրև զչափ առեալ զիրացն հաստատութեան , և համարձակագոյն և առաւելագոյն զաշակերտութիւնն նորապիւս վարդապետութեանն՝ խմբէին ուսուցանելի

և թեքել , և պատրաստական քարոզու-
թեանն անգէտ մարգկան յօրինել : Որոյ
և ինքեանք իսկ 'ի կողմանց և 'ի գաւա-
ռաց հայաստան աշխարհին յորգեալք և
դրգեալք հասանէին 'ի բացեալ աղբիւրն
դիտութեանն Աստուծոյ : Քանզի յԱյրա-
րատեան գաւառին 'ի կայս թագաւորացն
և քահանայապետացն , բղխեցին Հայոց
շնորհք պատուիրանացն Աստուծոյ :

Անդ էր յիշելի և մարդարէականն , ե-
թէ “Նղիցի անդ աղբիւր բղխեալ 'ի տան
Դաւթի” : Որ և սկսան իսկ սիւնք եկե-
ղեցւոյ՝ միջամուխ ձեռամբ զգործ աւե-
տարանչացն Քրիստոսի գործել . զուժա-
րել 'ի կողմանս , 'ի գաւառս , 'ի տեղիս
տեղիս Հայաստան ազգին , դաս դաս զա-
շակերտեալսն ճշմարտութեանն , զհասու-
ցելոցս 'ի կատարումն դիտութեան , բա-
ւականս և առ 'ի դայլսն զեկուցանելոյ :
Որոյ կանոն և օրինակ զիւրեանց անձանց
արգասիս եղեալ , և պատուիրեալ կալ 'ի
նմին կանոնի . և իւրեանց անդէն զառ-
ընթերակայ արքունիսն , հանդերձ ամե-
նայն ազատագունդ բանակիւն՝ աստուա-
ծեղէն իմաստութեամբն վարդապետեալ :
Առաւել երանելոյն Սահակայ զմամիկո-
նեան որեարն՝ 'ի վարժս վարդապետու-

Թեանն պարապեցուցեալ . որոց առաջնոյն Վարդան անուն էր , որ և Վարդկան կոչէր : Աոյնսէս և զամենայն ուրի ջանայր յերիւրել հասուցանել 'ի զիտութիւն ճըշմարտութեան :

Յետ այսորիկ առնոյր հաւանութիւն երանելին Մաշթոց . որսէս զի տէր եպիսկոպոսն 'ի Ապենականսն . և նա 'ի սփիւռս հեթանոսաց զբանն կենաց սերմանիցեն : Աւ հրաժարեալք 'ի նոցանէն հանդերձ այլովք ևս օղնականօքն , որոց առաջնունն Տիրայր անուն 'ի Խորձենական գաւառէն , և երկրորդին Մուշէ անուն 'ի նահանգէ Տարոնոյ , որք էին սուրբք և զուարթագոյնք . հանդերձ այլովք ևս սպասաւորօք աւետարանին , զոր չեմք բաւական ըստ անուանցն նշանակել . որով յանձն եղեալ երանելին շնորհացն Աստուծոյ , երթեալ իջանէր առ ոտս տանն Գողթան՝ յառաջին դաստակերտն իւր : Աւ անդ ընդելական սովորութեամբն 'ի կիր արկեալ զվարդապետութիւնն՝ հաւասարութեամբն բարեպաշտին Շարաթայ , լի առնէր զգաւառն ողջունիւ աւետարանին Քրիստոսի . և կարգէր յամենայն դիւղս գաւառին՝ դասս սրբոց վանականաց : Արում և հասեալ ժամանեալ հայրաբարուն Գտայ , որդւոյ

Շաբաթայ առն քրիստոսասիրի , բազում սպասաւորութիւն իբրև հաւասարի որդւոյ վարդապետին տանէր :

Ապա յետ այնորիկ 'ի սահմանակիցս 'ի սիւնական աշխարհն ելանէր . և անդ աստուածասէր հնազանդութեամբ ընկալեալ զնա իշխանին Սիւնեաց , որ էր Վաղենակ անուն , բազում օգնականութիւն գտեալ 'ի նմանէն վասն իրացն առաջի արկելոցն , մինչև հասանել նմա բովանդակ 'ի վերայ սահմանաց Սիւնեաց : Եւ ժողովեալ մանկունս առ 'ի նիւթ վարդապետութեանն , առաւել զգազանամիտ ըզվայրենազոյն զճիւղաբարոյ կողմանցն . և այնչափ փոյթ 'ի վերայ ունելով՝ և դայեկաբար սնուցանել և խրատել , մինչև 'ի նոցունց իսկ 'ի վայրենեացն եպիսկոպոստեսուչս եկեղեցւոյն Սիւնեաց կարգել . որոյ անունն կոչէր Անանիաս . այր սուրբ և երևելի հայրաբարոյ ժառանգաւորաց եկեղեցւոյ . ապա և զերկիրն Սիւնեաց՝ դասուք վանականաց ընոյր :

Յորում ժամանակի պարգևեալ յԱստուծոյ , հասանէր 'ի գլուխ իշխանութեանն Սիւնեաց՝ քաջն սիսականն Վասակ . այր խորհրդական և հանճարեղ և յառաջիմաց , շնորհատուր իմաստութեամբն Աս-

տուժոյ : Բազում ինչ նստասուժիւն ցուցանէր աւետարանագործ վարդապետութեանն , իբրև որդւոյ առ հայր՝ հպատակութիւն ցուցեալ , և ծառայեալ ըստ աւետարանին վայելչութեան . մինչ 'ի վախճան զհրամայեալսն 'ի դործ բերէր :

Դարձեալ յետ ժամանակի ինչ ընդ մէջ անցելոյ , հող 'ի մտի արկանէր սիրելին Քրիստոսի՝ և վասն բարբարոսական կողմանն . և առնոյր կարդեալ նշանակիրս վրացերէն լեզուին , ըստ շնորհեցելոյ նմա 'ի Տեառնէ : Գրէր կարգէր և օրինօք յարդարէր , և առնոյր ընդ իւր զմանս լաւագոյնս յաշակերտաց իւրոց , յարուցեալ գնայր իջանել 'ի կողմանս Վրաց . և երթեալ յանդիման լինէր թագաւորին՝ որում անուն էր Բակուր , և եպիսկոպոսի աշխարհին՝ Մովսէս : Եւ առաւելագոյն հնազանդեալ նմա ըստ օրինացն Աստուծոյ՝ թագաւորին և զօրացն , հանդերձ ամենայն դաւառօքն :

Եւ նորա զիւր արուեստն առաջի արկեալ՝ խրատէր յորդորելով . յորում և յանձն առեալ ամենեցուն զհնդերելին կատարել : Եւ գտեալ զայր մի թարգման վրացերէն լեզուին , որ անուանեալ կոչէր Չաղայ , այր զրազէտ և ճշմարտահաւատ .

հրաման տայր այնուհետև արքայն Վրաց՝
 'ի կողմանց կողմանց, և 'ի խառնիճողանջ
 գաւառաց իշխանութեան իւրոյ՝ ժողովել
 մանկունս՝ տալ 'ի ձեռն վարդապետին :
 Օրոր առեալ արկանէր 'ի բովս վարդապե-
 տութեանն . և հոգևոր սիրոյն եռանդ-
 մամբ՝ զաղտ և զժանգ շարաւահոտ գի-
 ւացն և զսնտտիագործ սլաշտամանն 'ի բաց
 այնչտփ անջատեալ 'ի հայրենեաց իւրեանց՝
 և անյիշատակ ցուցանել, մինչև ասել թէ
 “Մոռացայ զժողովուրդ իմ և զաուն հօր
 իմոյ” :

Եւ արդ զնոսա, որ յայնչափ 'ի մաս-
 նաւոր և 'ի բաժանեալ լեզուացն ժողովու-
 րացն, միով աստուածաբարբառ պատգ-
 մօքն մի ազգ կապեալ՝ փառաբանիչք միոյ
 Եստուծոյ յօրինէր, յորոց և իմ անար-
 ժանիս՝ եղեալ 'ի կարգ եպիսկոպոսութեան
 վիճակ . որոց առաջինն Սամուէլ անուն, այր սուրբ և բարեպաշտօն՝ եպիսկոպոս կա-
 ցեալ տանն արքունականի : Իսկ իբրև ընդ
 ամենայն տեղիս Վրաց կարգեալ զգործ
 աստուածապաշտութեանն, այնուհետև հը-
 բաժարեալ 'ի նոցանէ՝ դառնայր յերկիրն
 Հայոց . և պատահեալ Սահակայ կաթու-
 ղիկոսի Հայոց, պատմիւր նմա զողջութենէ
 եղելոցն, միանդամայն փառաւոր առնելով
 զԵստուած զմեծանունն Քրիստոս :

Այլա դարձեալ ելանէր շրջէր զտեղեօք
 կարգելեօք , և զգաւաօքն աշակերտելովք
 աշխարհին Հայոց , զուարթացուցանել ,
 նորոգել , հաստատել : Աւ յորժամ այն-
 սկէս ընդ ամենայն տեղիս՝ լի առնէր զսուրբ
 աւետարան Տեառն , և ամենեցուն զգու-
 շացուցեալ զկենաց ճանապարհն վարելոյ ,
 խորհուրդ առնոյր այնուհետև վասն կէս
 սզգին Հայոց , որ էր ընդ իշխանութեամբ
 թագաւորին Հռոմոց : Աւ փութացեալ
 դնայր հանդերձ աշակերտօք բազմօք , ան-
 ջանել ՚ի կողմանս Յունաց . և վասն ա-
 ուաւելագոյն բարեգործ համբաւուց՝ յառա-
 ջագոյն զնմանէ անդ ՚ի հիւսիսական կող-
 մանց հոչակելոց , առաւել միամտութեամբ
 ընտանեբար յեսլիսկոսոսաց աշխարհին ,
 և յիշխանաց և ՚ի գաւառականացն սլա-
 տուեալ . մանաւանդ ՚ի սպարապետէն աշ-
 խարհին , որ անուանեալ կոչէր Անատոլիս
 ՚ի մուտ ճանապարհին . որ զիրս առաջի
 եղեալ գրով՝ ցուցանէր կայսերն , որում
 անուն թէոփոս կոչէին , որդի Արկագու-
 կայսեր . ուստի և հրաման ելանէր , վայե-
 լուչ մեծարանօք զՍուրբն՝ Ակումիտ անուն
 կոչելոյ :

Իսկ նորա զբազմութիւն աշակերտացն
 տարեալ ՚ի քաղաքն մելիտինացուցն ,

յանձն առնէր սրբոյ եպիսկոպոսի քաղաքին , որ Ալակիոսն կոչէին . և զլիաւոր աշակերտացն՝ թողոյր զայն , որում Ղեւոնդէոսն կոչէին . այր հաւատարիմ և ճշմարտապաշտ : Այլ առեալ երանելոյն զպատուական եպիսկոպոսն Գերջանոյ , որոյ անուն կոչէր Ղլինթ , և սակաւս յաշակերտաց անտի , և ելեալ յանարւոյն դիմնսական և բազում պատիւ գտեալ , հասանէին ՚ի թագաւորակաց քաղաքն Աստուանդինական , զորմէ իսկոյն պատմէին յարբունիսն . և մտեալ առաջի պատուական աթոռոյն յանդիման լինէր աստուածակարգ թագաւորացն և հայրապետին սրբոյ Աթոռղիկոսին աշխարհամուտ դրանն , որում Ատտիկոս կոչէին . յորոց և գտեալ շնորհս՝ հրամայեալ լինէր ժամանակս ինչանդէն ՚ի տիեզերական քաղաքին մեծարել դարմանօք կարգելովք , յեկեղեցւոյն և յարբունեաց և ՚ի պատուական իշխանաց քաղաքին :

Այլ ապա յետ Պասեքին կատարելոյ՝ ցուցեալ կայսերն զպիտոյից զհանգամանս , և առեալ զանրնդգիմակաց հրամանն հանդերձ սակերօք կայսերագիր նշանակելովք՝ վասն մանկտոյն յաշակերտութիւնն , առ ՚ի կէս ազգէն Հայոց ժողովելոյ , և վասն

Ժանտագործ ազգին բարբարոսաց , և եկեղեցեաց հաստատութեան , և մեծամեծ պարգևօք պատուել : Այսն որոյ հաւանեցուցեալ ճշմարտին զարքունիան , անընկալ թողոյր . և երկիրսլաղեալ ծիրանափառ օգոստականացն , և սրբոյ կաթուղիկոսին , և ընկալեալ ողջոյն յեկեղեցւոյն և յերեւելի իշխանացն քաղաքին , և ամենայն իւրայովքն յաջողեալք՝ ելանէին ՚ի դեսպակս ՚ի կառս արքունատուրս : Այլ մեծաւ շքով և բազում վայելչութեամբ՝ ունէին զճանապարհս արքունականս , և ամենայն քաղաքացն պատահելով , ՚ի քաղաքին պայծառագոյն երեւէին . և մեծամեծ պարգևս զտեալ , գային հասանէին ՚ի ժամադիր կողմանս . և անգէն վաղվաղակի պատահեալ սպարապետին Հայոց , հանդերձ սակերօք կայսեր յանդիման լինէին : Այլ նորա առեալ սակերս կայսերական նշանօք , փութայր վաղվաղակի զհրամանն կատարել . և հրեշտակս արձակեալ այնուհետեւ ՚ի դաւառս կէս ազգին Հայոց՝ յիշխանութեանն կայսեր , բազմութիւն մանկաւոր ժողովել , և նոցին սոճիկս կարգել ՚ի պատահագոյն տեղիս . յոր և երանելին ըզվարդապետութիւնն իւր ՚ի գործ արկեալ , և ժողովելոցն քաղցրացուցանէր :

Այս յետ այնորիկ ձեռն արկանէր ըզ-
 դժպատե՛հ և զկամակոր Քարբարիանոս
 աղանդն քննելոյ . և իբրև ոչինչ գտանէր
 հնարս յուղղութիւն ածելոյ , առեալ 'ի
 գործ արկանէր զթշուառացոցիչ գաւա-
 զանն , ծանրադոյն պատուհասիւք 'ի բան-
 գրս , 'ի տանջանս , 'ի գելարանս : Իսկ
 յորժամ այնու ևս սակասեալք 'ի փրկու-
 թինէն գտանէին , խորտակեալս ապախան-
 ձեալս , մրեալս և գունակ գունակ խայ-
 տառակեալս , և յաշխարհէն կորզէին :

Իսկ երանելոյն զիւր վարդապետութեանն
 պայման արարեալ՝ սակեալ և վճարեալ ,
 և բազում շնորհապիր մատեանս զհարցն
 եկեղեցւոյ ստացեալ , ծովացուցանէր ըզ-
 վարդապետութեանն զխորութիւն , և լցեալ
 զեղոյր ամենայն բարութեամբք :

Յայնմ ժամանակի եկեալ զիպէր նմա
 այր մի երէց աղուան ազգով , Քենիամէն
 անուն . և նորա հարցեալ և քննեալ ըզ-
 բարբարոս զբանս աղուաներէն լեզուին ,
 առնէր ապա նշանադիրս , ըստ վերնապար-
 զև կորովի սովորութեան իւրում . և յա-
 ջողութեամբ Քրիստոսի շնորհացն , կար-
 գեալ և հաստատեալ կշռէր : Յետ այնո-
 ռիկ հրաժարեալ յեպիսկոպոսաց և յիշ-
 խանաց աշխարհին և յամենայն եկեղեցեաց .

ւառ որս թողեալ վերակացուս հաւատացե-
 լոցն՝ զերկուս ոմանս յիւրոց աշակերտացն .
 որ առաջնոյն Անովք անունն էր , և երկ-
 րորդին Պանան՝ արք կրօնաւորք և յառա-
 ջագէմք յաւետարանական սպասաւորու-
 թեանն . զորս յանձն արարեալ շնորհացն
 Աստուծոյ՝ անդէն զետեղէր : Աւ ինքն
 բազում աշակերտօք դայր անցանէր ՚ի կող-
 մանս Հայոց մեծաց . և հասեալ ՚ի Այր-
 քաղաքն յանդիման լինէր սրբոյ եպիսկո-
 պոսին Սահակայ , և թագաւորին Հայոց ,
 որում անունն Արտաշէս կոչէին և ամենայն
 բանակին . և պատմեալ նոցա զգործս
 կողմանցն այնոցիկ ըստ աջողութեանց
 շնորհացն Աստուծոյ , զագարէր անդ ա-
 ւուրս ինչ՝ մտիթարէր վասն հոգեոր ան-
 ձուկն սփռելոյ :

Աւ ապա յետ այնորիկ հրաժարեալ
 գնալ ՚ի կողմանս Աղուանից , և երթեալ
 իջանէր յաշխարհն . և հասեալ ՚ի թա-
 դաւորական տեղիսն , տեսանէր զսուրբ ե-
 պիսկոպոսն Աղուանից , որում անունն Ա-
 րեմիա կոչէին , և զնոցին թագաւոր , ո-
 րում Արսվաղ էր անունն , ամենայն ա-
 զատօք հանդերձ . որոյ առաւել հպատա-
 կութեամբ ընկալեալ վասն անուանն Քր-
 իստոսի : Ապա հարցեալ ՚ի նոցանէ ,

առաջի եղեալ վասն որոյ եկեալն էր , և նոցա երկոցունց զուգացելոց եպիսկոպոսին և թագաւորին՝ յանձն առեալ դպրութեանն հնազանդելոյ : Տային ևս հրաման՝ ՚ի դաւառաց և ՚ի տեղեաց իշխանութեանն իւրեանց , բազմութիւն մանկանց՝ յարուեստ դպրութեանն ածել և զուսարել՝ ըստ արժանաւոր և սլատեհ տեղեաց , դասս դասս դպրոցաց , և ոռձիկս կարգել ՚ի դարմանս :

Իսկ իբրև հրամանն այն , արդեամբք և զործովք յանկ ելանէր , ապա այնուհետև երանելոյն Արեմիայի եպիսկոպոսի ՚ի ձեռն առեալ՝ վաղվաղակի զաստուածային գրոց թարգմանութիւնս ՚ի զործարկանէր , որով անդէն յական թօթափել , վայրենամիտ և դատարկասուն և անասնաբարոյ աշխարհն Մղուանից , մարգարէագէտք և առաքելաճանօթք և աւետարանաժառանգք լինէին , և ամենայն աւանդելոցն Մատուծոյ , ոչ իւրք անտեղեակք : Գարձեալ առաւել ևս երկիւղածն յՄատուծոյ արքայն Մղուանից՝ միամիտ փութով հրաման ստար սատանայակիր և դիւամոլ ազգին սասախւ՝ թափել զերժանել յունայնավար հնացելոցն , և հնազանդ լինել ամենահեշտ լծոյն Քրիստոսի :

Եւ յորժամ զայն արարեալ հաւատա-
 րութեամբ , և լցեալ զպիտոյն իւրեանց ,
 վկամացն յօժարութիւն , ձեռնատու ևս
 եղեալ նմա սրբամատոյց վարդապետու-
 թեանն 'ի բողոսական կողմանս սրբոյ ե-
 պիսկոպոսին՝ որում Սուշեղ կոչէին ,
 հրաժարէր ապա և 'ի թագաւորէն և յե-
 պիսկոպոսացն և յամենայն եկեղեցւոյն
 Աղուանից : Եւ զովանս յիւրոց աշակեր-
 տացն վերակացուս իւրեանց կացուցանէր ,
 հանդերձ արամբ քահանայիւ արքունական
 դրանն , որում անունն Յովնաթան կո-
 չէին , որոյ բազում յօժարութիւն 'ի վար-
 դապետութենէն էր գտեալ , և յանձն
 առնելով զնոսա և զանձն՝ ամենապահ շք-
 նորհացն Մատուծոյ , խաղացեալ գայր 'ի
 կողմանցն Աղուանից , անցանել յաշխար-
 հըն Վրաց . և հանդէպ հասեալ գայր
 դարգմանական ձորոյն : Բնդ առաջ լինէր
 նմա իշխանն Գարգմանից , որում Խուրս
 կոչէին , և ասպնջական եղեալ նմա աս-
 տուածասէր երկիւղածութեամբ , առաջի
 դնէր զանձն վարդապետին , հանդերձ իշ-
 խանութեամբն իւրով . առաւելագոյն իսկ
 վայելեալ 'ի հիւթ և 'ի պարարտութիւն
 վարդապետութեանն , յուղարկէ զերանե-
 լին ուր և երթալոցն էր :

Իսկ նորա անցեալ գիմեալ 'ի կողմանս
սրն , առ որով ժամանակաւ Արձիւղ ա-
նուն թագաւորեալ Վրաց , որոյ առաւե-
լապէս պայծառացուցեալ ծաղկեցուցանէր
զվարդապետութիւնն . և նորա շրջեալ գա-
մենայն աշակերտօք , պատուիրեալ կալ 'ի
ճշմարտութեանն : Յայնժամ իշխանին
տաշրացւոց աոն պատուականի և աստուա-
ծասիրի , որ անուանեալ կոչէր Աշուշայ ,
'ի ձեռն տայր նմա զանձն ամենայն գա-
ւառովն իւրով , և նորա ամենափիւռ վար-
դապետութիւնն , ոչինչ պակասութեամբ
քան զայլոցն գաւառաց անցուցեալ , և
յանձն արարեալ զնոսա սրբոյ եպիսկոպո-
սին Սամուէլի , այնմ զոր 'ի վերոյ նշա-
նակեցաք , ինքն գառնայր 'ի կողմանս
Հայոց մեծաց . և եկեալ 'ի սովորական
տեղիսն , զընդելական ողջոյնն սրբոյն Սա-
հակայ և ամենայն պատահելոցն տուեալ ,
պատմէր նոցա վասն այնր ևս նորագործ
իրացն : Արք իբրև լուան , առաւել գո-
հանային զպարգեացն Աստուծոյ :

Յետ այնորիկ ուշ եգեալ երկօցունց ե-
րանելեացն՝ զիւրեանց ազգին զգալութիւն
առաւել յարդել և դիւրացուցանել , ձեռն
'ի գործ արկանէր 'ի թարգմանել և 'ի
գրել մեծն Իսահակ՝ ըստ յառաջագոյն սո-

վորութեանն : Արոց դարձեալ դէպ լինէր եղաբարս երկուս յաշակերտացն՝ յուղարկել 'ի կողմանս Ասորոց 'ի քաղաքճ եգեսալացոց , զՅովսէփ , զոր 'ի վերոյն յիշեցաք , և երկրորդն Ազնիկ անուն՝ յայրաբատեան դաւառէն 'ի Աողը գեղջէ , զի յասորական բարբառոյն՝ գնոցին հարցն սրբոց զաւանդութիւնս , հայերէն գրեալս դարձուցեն :

Իսկ թարգմանչացն հասեալ՝ ուր առաքեցանն , և կատարեալ զհրամանսն , և առ սլատուական հարսն առաքեալ անցեալ գնային 'ի կողմանս Յունաց . ուր և ուսեալք և տեղեկացեալք , թարգմանիչս կարգէին ըստ հելլենական լեզուին :

Ապա յետ ժամանակի ինչ ընդ մջ անցելոյ՝ դէպ լինէր ոմանց եղբարց 'ի հայաստան աշխարհէս , զիմել իջանել 'ի կողմանս Յունաց , որ և Ալեոնդէս առաջնոյն անուն էր , և երկրորդին Աորիւնս , և մատուցեալ յարէին յԱզնիկն , իրբև առ ընտանեցոյն աննդակից՝ 'ի կոստանդինական քաղաքին , և անդ միաբանութեամբ հոգևոր պիտոյիցն՝ զխնդիրն մճարէին : Արոյ յետ այնորիկ հաստատուն օրիտակօք աստուածատուր զրոցն , և բազում շնորհագիր հարց յետ այնր աւան-

դուժեամբք , և նիկիական և հիեսոսական
կանոնօք զային երևելով աշխարհին Հայոց ,
և առաջի գնէին հարցն զսերեալ կտակա-
րանսն Ակեղեցւոյ սրբոյ :

Իսկ երանելոյն Սահակայ զեկեղեցա-
կան զրոց զուսմարութիւնն՝ կանխաւ յու-
նական բարբառոյն 'ի հայերէն դարձու-
ցեալ , և բազում ևս զհայրապետաց սրբ-
բոց զճշմարիտ զիմաստութիւնն : Գար-
ձե սլ յետ այնորիկ առեալ հանգերձ Ազ-
նակաւ՝ զյառաջագոյն զյանկարծագիւտ
զիութանակի զԹարգմանութիւնս , հաս-
տատէր ճշմարիտ օրինակօք բերելովք , և
շատ ևս մեկնութիւն զրոց Թարգմանէին ,
Աւ այնպէս զամենայն ժամանակս իւրեանց՝
յընթերցուածս զրոց ծախէին հարքն՝ ըզ-
տիւ և զգիշեր , և նովիմք ծաղկեալք և
շահաւետեալք՝ օրինակ բարեաց ուսումնա-
սէր առընթերակայից լինէին . մանաւանդ
զի ունէին պատուիրանս զգուշացուցիչս
յաստուածակարգ պատգամաւորացն . յո-
րոց առաջինն հրամայէ՝ Թէ "Յօրէնս
Տեառն խորհեսցիս 'ի տուէ և 'ի գիշերի"
և երկրորդն հանգոյն պատուիրէ , Թէ
"Միտ զիր ընթերցուածոց միութարութեան
վարդապետութեան , մի անփոյթ առնել
զնորհացդ որ 'ի քեզ են , յայդ խորհեա՛

և 'ի դոյն յամսջիր . զայդ եթէ առնի-
ցես և զանձն ապրեցուցես , և զայնոսիկ
որ քիզն լսիցեն" :

Ապա յեն զարձեալ՝ այնպիսի առաւել
և բարձրագոյն վարդապետութեամբն՝ սկը-
սեալ երանելոյն Մաշթոցի ճառս յաճա-
խագոյնս , դիւրապատումս , շնորհագիրս ,
բազմադիմիս 'ի լուսաւորութենէ և 'ի հիւ-
թոյ զրոց մարգարէականաց կարգել և յօ-
րինել , լի ամենայն ճաշակօք աւետարա-
նական հաւատոցն ճշմարտութեան , ձորս
բաղում նմանութիւնս և օրինակս 'ի յան-
ցաւորացս աստի , առաւելագոյն վասն յա-
րութենական յուսոյն առ 'ի հանդեր-
ձեալն՝ յերիւրեալ կազմեալ . զի հեշարն-
կաք և դիւրահասոյցք տխմարագունիցն ,
և մարմնական իրօք զբաղելոցն լինիցին ,
առ 'ի սթափել և զարթուցանել և հաս-
տահիմն առ 'ի խոստացեալ աւետիսն քա-
ջալերել ,

Եւ այնպէս զամենայն կողմանս Հայոց
Վրաց և Աղուանից , զամենայն ժամա-
նակս կենաց իւրոց , զամառն և զձմեռն
զաիւ և զգիշեր՝ անվեհեր և առանց յա-
պաղելոյ իսկ , իւրով աւետարանական և
ողջապատում գնացիւքն՝ առաջի թագաւո-
րաց և իշխանաց , և ամենայն հեթանո-

սաց և անընդդիմակաց 'ի հակառակորդաց՝
 զամենափրկչին Յիսուսի անուն կրեաց
 յանձին : Եւ զամենայն ողի քրիստոսա-
 զպետ և հոգեղէն վառեաց , և բազում
 բանդականաց և կալանաւորաց և տագնա-
 պելոց 'ի բռնաւորաց թողութիւն արարեալ՝
 կորզեալ զնոսա ահաւոր զօրութեամբն
 Քրիստոսի : Եւ բազում մուրհակս անի-
 բաւութեան պատառեաց , և բազում սը-
 զաւորաց և կարճամտելոց՝ մխիթարական
 վարդապետութեամբն զակնկալ յուսոյն
 ըստ յայտնութեան փառաց մեծին Աս-
 տուծոյ փրկչին մերոյ Յիսուսի Քրիստոսի
 նօթճեաց , և զամենայն միանգամայն յաս-
 տուածպաշտութեան սլայման անդ փո-
 խեաց :

Եւ դարձեալ բազում և անհամար
 դունդս վանականաց , 'ի շէնս և յանշէնս ,
 դաշտականս և լեռնականս , անձաւանուտս
 և արգելականս բնակեցուցեալ հաստա-
 տէր : Աորս ընդ ժամանակս ժամանակս
 իւրով մարմնովն իսկ օրինակ ցուցեալ ,
 առեալ զոմանս յաշակերտաց յիւրաքան-
 չիւր մենաստանացն , և երթեալ լեռնա-
 կեաց սորամուտ ծակախիթ եղեալ , զա-
 ոօրէական զկերակուրն խոտաբուտ ճաշա-
 կօքն վճարէին . այնպէս վշտակեաց տկա-

րութեան զանձն տային . Մանաւանդ ուրոց հայեցեալ 'ի միսթարութիւն առաքելական բանիցն , թէ “Յորժամ տկար եմ վասն Քրիստոսի յայնժամ զօրացեալ լինիմ” . և թէ “Վաւ ևս լիցի պարծել տկարութեամբս , զի բնակեսցէ յիս զօրութիւնն Քրիստոսի” :

Անդ էր այնուհետև շարբենալ գինւով , այլ առաւելուլ հոգւով , և պատրաստել զսիրտս երգօք հոգևորօք , 'ի փառս և 'ի գովութիւն Աստուծոյ : Անդ կրթութիւն քաղցրուսոյց ընթերցուածոյ՝ հոգեպատում գրոց : Անդ քաջալերութիւն յորդորական վարդապետութեան , առ 'ի յառաջադէմ ընտրութեանն՝ պսակահաս քրիստոսադիր կիտին : Անդ եռալ հոգւով աստուածապաշտ ծառայութեամբ : Անդ աղօթք աղերսալիք , և խնդրուածք հաշտեցուցիչք վասն ամենեցուն կենաց՝ առ մարդասէրն Աստուած , և նորին հոգեկրօն արուեստիւն՝ հանէր աւուրս բազումս յանապատ տեղիս . մինչև ազդ լինէր յերիցանց , իրաց ինչ օգտակարաց եկեղեցեաց կողմանցն այնոցիկ՝ հասանել յօղնականութիւն շնորհօքն Քրիստոսի : Աշտորա առանց իրիք զբաղելոյ՝ հանգերձ գործակցօք իջեալ 'ի թիկունս գիտացն

դատաստեղծոյ , և վճարեալ զօրութեամբն
Ղսաուծոյ , և յորդորագոյնս և պարար-
տադոյնս և անխակ բերանով՝ զվտակս
վարդապետութեանն 'ի սիրտս լսողացն
ճաւալեցուցանէր :

Եւ գայս առնէր զամենայն ժամանակս
իւր , վասն անձին և վասն աշխարհի .
քանզի սովոր իսկ են ճշմարիտ վարդա-
պետք՝ գանձանց առաքինութիւնս՝ կանոն
աշակերտելոցն դնել . մանաւանդ յուշ
առնելով զտէրունականն՝ զմիոյ միայնոյ ի-
մաստնոյն Ղսաուծոյ : «Քանզի սկսաւ
Յիսուս առնել և ուսուցանել» : Արոյ բա-
զում անգամ առեալ զաշակերտսն ուրոյն ,
և աննխազական անձամբն օրինակ կարօ-
տելոցն լինէր . յորժամ 'ի թաքօրական
լերինն՝ զաւետեաց երանութիւնն տայր ,
և յորժամ 'ի նախն լերին զկանոնական
զաղօթս առնէր , մինչդեռ աշակերտքն 'ի
տիրերական ծովուն նաւէին : Եւ դարձեալ
յաւուրս բաղարջակերացն յօրինական տօ-
նին՝ զգիշերոյն աղօթքն և ցայղոյ , 'ի ձի-
թաստանեաց լերինն առանձինն մատուցա-
նէր : Աւստի և յայտնի իսկ է և առանց
խուզելոյ , եթէ՝ ոչ վասն անձին ամենա-
տէրն , այլ համաշխարհի յուսումն զայն
գործէր . որ է օրինակ ամենայն հնազան-

դելոց , վասն որոյ ասէր իսկ , “ Արթուն
կացէք , զի մի ’ի փորձութիւն մտանիցէք ” :

Իսկ արդ եթէ ’ի թեթեալոյն արուես-
տից՝ պակասադոյն են ’ի գիտութեանն
ազգք երկրածնացս , որչափ այնմ արուես-
տի ոք համարեսցի և անդիտանալ՝ որ ընդ
Աստուած զխօսսն կատարէ . որով երա-
նելին Պաւղոս ամենեցուն տգիտանալ ա-
սէ , վասն որոյ զամենակեցոյց Հողին ’ի
թիկունս հասանել՝ անմնունչ հեծութեամբ
բարեխօս գիտէ : Իսկ արդ յորժամ լսի-
ցեմք , եթէ սկսաւ Յիսուս ասնել և ու-
սուցանել՝ ապաքէն ասնէ և ուսուցանէ ,
և ոչ եթէ զի պարզեցէ իմանալի է :
Եւ բարեխօսել նորա վասն սրբոց , և
բարեխօսել Հողոյն սրբոյ առ ’ի վարդա-
պետելոյ մեզ . զի ընդ միմեանց բարե-
խօսելն գիտելի է , քանզի միասպառի է
աստուածականն և ոչ բազմաբար : Իսկ
երանելի առաքելոցն ընկալեալ ’ի վարդա-
պետութենէ ճշմարտութեանն , նախ կա-
բօտական անձանցն մատակարարելին , և
ապա աշակերտացն բարձեալ տանէին . եր-
բեմն առանձինն՝ և երբեմն ժողովրդովքն
գումարելովք՝ զփառսն Քրիստոսի առաքե-
լովքն բարձրացուցանէին . քանզի առա-
ջիլ օգտակար իսկ է՝ յամենայն աշխար-

հակիր դբօսանաց առանձինն սահմանել՝ և միայն աստուածպաշտութեանն պարապել , զոր և մարդարէքն զործէին . որք ՚ի լեւրինս և յանապատս և ՚ի փապարս վիմաց՝ զաստուածեղէն կրօնիցն զժառայութիւնսն հարկանէին :

Նոյնպէս և ամենայն հարքն՝ որք յաջորդեցան , յառաքելական կանոնաց կրեալ անձամբ զլաւութիւնս , բերէին վերջնոցս օրինակ . ուստի երանելիս այս բարձեալ էր զաւանդելոցն պատիւ , և ամենայն մատուցելոց առ նա՝ զնոյն պատուիրեալ գուշակէր : Եւ այնպէս յառաջ՝ ամենայն աստուածեղէն գանձուցն վայելչութեամբք ցեալք , պարարտացեալք , խաղացեալք պային ՚ի բազում ժամանակս՝ նովին ՚ի նոյն կանխեալք՝ ՚ի նմին հանապազորդեալք :

Յայնմ՝ ժամանակի բերնալ երևեցան հայաստան աշխարհին զիրք սուտապատուիք , ընդունայնախօս աւանդութիւնք առն ուրումն հոռովի , որում Թէոդիոս անուն : Սասն որոյ սիւնհոգոսական հայրապետաց եկեղեցեացն սրբոց նշանակեալ ազգ առնէին՝ ճշմարտահաւատ փառաւորչացն Սահակայ և Մաշթոցի : Եւ նոցա ճշմարտասէր փութով զայն ՚ի միջոյ բարձեալ՝ աշխարհահալած արտաքոյ իւրեանց

մերժեցին . զի մի՛ ՚ի լուսաւոր վարդապետաւթիւնն՝ ծուխ ինչ սատանայական յարիցէ :

Յետ այնորիկ դէպ լինէր նովին ճշմարտութեամբ՝ երանելոյն Սահակայ . լցեալ աւուրբք երկայն ժամանակօք , և վայելչացեալ աստուածաբեր պաղոցն բարութեամբք , յառաջնումն ամի Յազկերտի որդւոյ Սուամայ՝ թաղաւորի կացելոյ ՚ի Պարսից աշխարհին , ՚ի Քաղրաւանդ գաւառի՝ ՚ի զիւղ Քլոցաց , ՚ի կամարել ամսեանն Վաւասարգի , որպէս և զօր ծննդեան երանելոյն յիշէին . յերկրորդ ժամու աւուրն , ՚ի պաշտաման անուշահոտ իւղոյն , հանգերձ աստուածահաճոյ աղօթիւք՝ ձերունւոյն ՚ի Քրիստոս աւանդեալ . հայեցեալ ՚ի մարգարէին , որ ասէր , “ ՚ի ձեռս քո յանձն առնեմ զհոգի իմ” . և Ստեփաննոսի երանելոյ , որ ասէր , “ Տէր Յիսուս , ընկալ զհոգի իմ” :

Ըստ նմին օրինակի՝ և նորա աստպրեալ զանձն և զմնացեալս՝ ամենապահ շնորհացն Աստուծոյ . զոր և առեալ վաղվազակի ամենայն հանգերձելովք , ձեռնասուն աստուածասէր պաշտօնէիցն իւրոց . որոց զիւաւորին Արեւիա անուն ճանաչէր , այր սուրբ և բարեպաշտօն , հանգերձ աստուած

ծառայել իշխանակնաւ միով , որ անուանեալ կոչէր Գուստր , որ էր կին Վարդանայ , զոր ՚ի վերնոյն յիշեցաք , և բազում ամբոխից սրբոց ժողովոց , բարձեալ զսուրբն սաղմոսիւք և օրհնութեամբ և հոգևոր բարբառով , յետ սակաւ ինչ ատուրց ընդ տիւ և ընդ գիշեր ՚ի Տարօն հասուցանէին մինչ ՚ի բուն իսկ գիւղն յԱշտիշատ : Եւ անդ ՚ի մարտիրոսական խորանին յարկեղ սրբոցն , հանդերձ ամենայն անուշահոտ խնկօք եգեալ և կընքեալ քրիստոսադրոշմ կնքովն՝ և զօրինաւոր յիշատակն ՚ի վերայ կատարեալ , այնուհետև իւրաքանչիւրն դառնային : Արոց և նոյնպէս ամի ամի դումարելովք ՚ի նոյն ամսեան՝ զնոյն յիշատակն տօնախմբեն :

Իսկ երանելի զուգականին լուեալ , ըզՎաշթոցէ ասեմ , բազում անձկայրեաց տրամութեամբ և արտօսրագութ ողբովք և ծանրաթախիծ սլովք պաշարեալ դնէր . զի թէ առաքեալն սուրբ , ոչ զտեալ առ ժամայն զընդերակիցն զՏիմոթէոս՝ անհանդիստ զհոգւոյն ասէ , որչափ ևս առաւել զմիանգամայն զհրաժարելոցն սատակ կիրս մնացելոցն է համարեալ : Բայց թէպէտ և միայնաւօրութեանն տրամութիւն չթողոյր զուարթանալ , սակայն զաւետարանա-

կան ընթացան , և զվերակացութիւնն սրբոյ եկեղեցւոյ , շնորհօքն Աստուծոյ առաջ պակասութեան տանէր , և առաւել փութայր գուն եգեալ՝ զամենեսեան յորդորելով առ բարեացն քաջութիւն : Աւր զցայգ և զցերեկ պահօք և աղօթիւք և ուժգին խնդրուածովք և բարձրագոյն բարբառովք՝ աստուածազիր պատուիրանացն հրամանս ուշ առնելով , զզուշացուցանելով ամենայն մարդոյ . մինչև բազմագոյնս և զզժուարագոյն վարուց կրթութիւնն . մանաւանդ զի և զմտաւ իսկ ածէր ըստ տէրունական հասակին զօր վախճանին . շտայր քուն աչաց և ոչ նիրհարականաց՝ մինչև հասանել ՚ի հանդիստն Տեառն :

Աւր մինչդեռ այնպէս մերձաւորացն առ իւրե զհոգևոր եռանդն ածէր , և բազում թուղթս խրատազիրս և զղացուցիչս ընդ ամենայն գաւառս առաքէր , անդէն ՚ի նմին ամի՝ յետ ամսոց վեցից անցելոց վախճանի երանելոյն Սահակայ , ինէր հանդերձ սրբով վարդապետով բանակն Հայոց յայրարատեան ՚ի Արքաղաք , և նովին հոգեկրօն վարուք հասանէր սրբոյն քրիստոսակոշ կատարումն , յետ սակաւ ինչ աւուրց հիւանդութեանն , յերեքտասաներոր-

դու՛մ ամսեանն Մեհեկանի : Այլ յորժամ որոշեալ 'ի միջոյ ձեռնասուն աշակերտաց և խառնեալ 'ի դունդն Քրիստոսի հասանէր , թեթեացեալ և սթափեալ 'ի ցաւոցն՝ կանգնեալ նստաւ 'ի ժողովոյն միջի , և համբարձեալ զձեռնն հանապազատաբաժ յերկի՛ւս՝ գամէն մնացեալսն յանձն առնէր շնորհացն Աստուծոյ . վասն նոցա օգնականութիւն հայցէր :

Այլ անուանք զխաւորաց աշակերտացն ժողովելոցն՝ են այս . առաջնում Յովսէփ , զոր և 'ի սկզբան զրեցաք . երկրորդին Թադիկ , արք զգաստք՝ զԿուշագոյնք հըրամանաց վարդապետութեանն : 'ի զինւորական կողմանն , առաջումն Սահան անուն յազդէն Ամատունեաց , որ էր հազարապետ Հայոց մեծաց . և երկրորդին Հմայեակ՝ 'ի մամիկոնեան տոհմէն , արք պատուականք երկիւղածք հրամանակատարք վարդապետական հրամանաց : Այլ մինչդեռ ձեռք սրբոյն ընդ երկինս կարկառեալ էին , տեսիլ սքանչելի խաչանման լուսաւոր շողաւոր ձև երևէր 'ի վերայ ապարանիցն , յորում երանելին վախճանէր . զոր ամենայն ուրուք ինքնատես եղեալ , և ոչ առ յրնկերէ պատմեալ : Այլ սորա սրբոցն գսէր և զմիաբանութիւն աւանդեալ , որ

մերձաւորս և զհեռաւորս օրհնութեամբ
պսակէր , և զհաճոյական աղօթն հասու-
ցեալ 'ի Քրիստոս' հանդեաւ :

Օր առեալ Վահանայ և Հմայեկի
կազմութեամբ փախճանելոյ , հանդերձ աշ-
խարհական ամբօխիւ , սաղմոսիւք և օրհ-
նութեամբ , և հոգեոր ցնծութեամբ ,
կանթեղօք փոռելիք և ջահիւք բորբոքե-
լովք , և ամենայն լուսաճաճանչ գնդին ,
և այնու խաչանշան լուսաւոր առաջախա-
ղաց նշանաւն , յՕշականն երանելին , և
անդ 'ի մարտիրոսարանն մատուցեալ , զօ-
րինաւոր յիշատակն կատարեալ , ապա
նշանն աներեոյթ ինէր , և նոքա իւրա-
քանչիւր դառնային : Իսկ յետ երկց ա-
մաց անցելոյ , յաջողեցան Վահանայ ա-
մատունւոյ , քրիստոսասէր փութով խո-
րան սրահելի կանգնել , տաշածոյ վիմօք
քանդակելով , և 'ի ներքսագոյն խորանին
զսրբոյն հանդիսան յօրինեալ , որոյ ըս-
պասս փայելուչս գունագոյնս պայծառատե-
սիսս ոսկով և արծաթով և ալիամբք պա-
տուականօք՝ 'ի յիշատակարան սեղանոյն
կենդանարար մարմնոյ և արեանն Քրիս-
տոսի պատրաստեաց , և ամենայն սրբովք
'ի միաւին դաւարելովք խաչակրօն վկայիցն
Քրիստոսի , հանդերձ երանելեաւն Սաշ-

Թոյիւ , 'ի հանդիսա խորանին փոխէ :
 Աւ շնորին աշակերա Թագիկ անուն՝ զայր
 զգաստ և բարեպաշտօն , հանդերձ եղ-
 բարբք երանութեանն հասելոց՝ սպասաւոր
 սրբոյն 'ի փառս Աստուծոյ կարգէին , և
 զխաւորս վերակացուս տեղասպահս յայտ
 արարեալ հարցն կատարելոց որոց առա-
 ջինն Հովսէփ զխաւոր ժողովոյն , և երկ-
 րորդն այլ աշակերտ Հովհանն անուն . այր
 իսկ սուրբ վարդապետասէր և ճշմարտա-
 պատում : Արում գէպ լինէր յետ վախ-
 ճանի սրբոյն , բազում և ազգի ազգի
 փորձութեանց և կապանաւոր վշտաց . մե-
 նամարտիկ երկպատական բռնութեանն 'ի
 Տիզբոն քաղաքի , վասն Քրիստոսի յաղ-
 թութեամբ տարեալ համբերեաց . վասն
 որոյ և զխոստովանողական անուն ժառան-
 գեաց . 'ի նոյն վերակացութիւնն դառնայր
 յերկիրն Հայոց :


Իսկ բարեպաշտարտին Ալահանայ , յան-
 կարծահաս կենաց ամենեցուն լինէր . որ
 աշխարհածնին հայրենեացն սեպհական
 ոգի գտեալ , շնորհօքն Քրիստոսի Աս-
 տուծոյ մերոյ , մերձաւոր կենակից վոյե-
 լէր . և զի ըստ օրինակի գրեչոյս առ 'ի
 մէնջ հարբն 'ի կափարումս դարձան :

Առ եթէ 'ի հին համբաւուց տեղեկա-

ցեալ և մատենագրեալ զայս կարգեցաք ,
այլ որոց մեր իսկ ականատես եղեալ կիր-
պարանայն՝ և առննթերակաց հոգևորա-
կան գործոց , և լսող շնորհապատում
վարդապետութեանն , և նոցին արբանեակ
ըստ աւետարանական հրամանայն : Աչ
սուտասպատում ճարտարախօս եղեալ առ
ի մերոց բանից զհօրէն իմոյ կարգեցաք ,
այլ զյաճախագոյնն թողեալ , և ՚ի նշա-
նադիմակայն քակելով զհամատուրսն կար-
գեցաք , որք ոչ միայն մեզ , այլև որ զա-
տեանսն ընթեոնուն յայտնի է : Քանզի
չէաք իսկ հանդուրժողք՝ զամենայն արա-
րեալն կտակաւ զիւրաքանչիւրսն . այլ ՚ի
գիւրագոյն և ՚ի հեշտագոյնս , յառաքե-
լական անդր զանձինս պատասպարեցաք .
որոյ անցեալ զբազմախունն արգասեօք
սրբոցն , առ ՚ի մանրակտիտ առնելոյ ըզ-
կարեորագոյնս պատմելոյ՝ զհանգամանս՝
ասացաք : Աչ ՚ի պատիւ ինչ սրբոցն Աս-
տուծոյ , որք ամենասպարծ և կենդանա-
տուր խաչին ծանուցեալք յարգեցան , այլ
յօրինակ քաջալերիչ հոգևոր ծննդոց իւ-
րեանց . և որք նոքօք աշակերտելոց իցեն
յազգս ազգաց :

Աւ արդ լինի համար հաւատոց երա-
նելոյն ամբ քառասուն և հինգ , և ՚ի դրպ-

յուլթենէն Հայոց մինչև ցլախճան սրբոյն
 ամբ երեսուն և հինգ , որք համարին այս-
 պէս : Թագաւորեալ Գիսմոնայ Պարսից
 սրբայի ամս վեց , և Յազկերտի ամս քը-
 սան և մի , և յառաջնումն ամի երկրորդ
 Յազկերտի որդւոյ Վ ռամայ , վախճանե-
 ցաւ Արանելին : Աւարդ առնու համար
 ամաց սրբոց հաւատոց 'ի չորրորդում ա-
 մէն Արմանայ սրբայի , մինչև ցառաջին
 ամն երկրորդ Յազկերտի որդւոյ Վ ռամայ ,
 և գպրուլթեանն Հայոց , յուլթերորդ ամէ
 Յազկերտի առեալ սկիզբն : Աւ Քրիստո-
 սի մարդասիրին փառք յաւիտեանս ամէն :



Р. У.

№ 6766